

簡牘

雜著

溪陰集

漢陰先生文稿卷之十

簡牘

與鄭景任書經世

一雨斷送殘暑病骨欲蘇遙想牙門起居同此味
也昨荷問書蕭紙忠告實獲我心尤切懇慰夙計
不待此而已決寧有中止之理第四劄之批為
狂簡之言不須介懷為教八劄之批以真
昧得罪於賢相為教章劄間措語則漸為直陳
而聖教一向虛具拘迫不圖世間有如許悶處

境界因措因措生得遂歸養之願情事畢矣但近
間風色日益可惧斯文是非乃餘事耳深恐釋負
之後亦不得寬心吁如之何

與鄭景任書

再奉令手札披慰何量梅種又承令惠龍津山澗
從此盡成孤山風味百歲之後必有指點而說左
右者矣止一時薦賢之賞而已不佞今朝上六劄
頃者伏見答諫長之教有是非莫定之辭而政
席之進退日示好惡妄言者將非久不辭而自

見退矣想令監時接邸報此間景色可默會也

與鄭景任書

自送老親東還心緒益復無聊忽忽苟度凡千知
舊聞問一坊廢斲數日來園花盛發有物華撩我
之思欲與同人開叙鬱懷而公事之外又無委過
者時時念懸左右為之歎遯耳近聞無理無形之
謗多及於鄙人而令亦與焉欲令之速得外補吾
亦切焉即與朴侍郎語此而令尤適至相對說罷
發一笑耳

○荅金昌遠書弘微

尋常一念長望東南雲手札忽及感慰何量不佞
病伏一年遭國恤奔踊今復添體察之命往
代梧翁望前當着鞭過烏嶺世事心久灰矣南中
規畫蕩然無着手處此行能做得甚事九百盛慮
所及幸有以示教臘藥散人得之無路行到星山
連城之間如有往來人當以一行救急而賁去者
分送也即聞痰眩為祟此病不佞已折臂百藥無
如止酒願慎攝慎攝相思歲又除矣臨紙惘然

○與金昌遠書

別後時序變矣問問無便悵邈何喻即想仙區夏
景令在萬安懸懸常川不復自崇 惡境欲死無
地受頭屏威與世絕頃又猝遇妻兄並連日於
哭泣之中舊患增劇深獨備卧苟遣矣初得 啓
草早知有犯觸而令誨亦然今乃至此文章體傷
損非細而身不坐重罪速免而止以此並無以為
心不取而人嫌願令監必默會此間情事也互相
乞致仕 命下該司回 啓以上裁覆 啓而

諭以不准以爲無家故軍見之不侵之乎亦踰
四矣職名在河經爲示文知何如餘冀節宣萬
重

答全公還書

天南渺然信息無由即奉門荷寒比來令之居
遠劫迴慰不能自已不佞事與心違病後日而尚
坐百謗中未尋逐初憂悶仰屋而已嚮陽之命
已久而迄無進退之音未知作何處置正丈服山
氣力近如何聞羸悴太劇常川貢慮見教河是誤

事即施以送餘臨終示盡只與順序珍香兩中軍
怨已極變通之策一日為急而計不入于痛悶痛
悶

與金昌遠書

一別歲耳換矣音塵絕然望耿耿未安此時真
絀氣味何如令人悵懸頭欲白耳不復復傷成病
仍作廢人等既恐不久於世而世事又復紛紛心不
死之前何能自致於商頤之永間時與兄書倘
伴耶此外只有流涕無可道者今茲轉生乃矢石

間相隨人也。感侯之不任，痛其開萬安之威，時因
豐山居奴傳一書，得悉其況否。

與金昌遠書

令行之翌日，安發一傳，將圖事而不及，仰張何喻
襄陽重棄力而竟不到，奈何！此後如有便，實當致
周旋。生勞病已劇，勢將不久。顛仆唯以南方事甚
急，以此悠遠，苟遣愁，未知死所，長歎耿耿，還施功
冀一叙。

與金昌遠書

前者伏聞令岳尊令鑑之計不勝痛恨遠在海邊
苦未得候慰之便來抵星州又聞愆和彌久至於
投紱私坊慕慮不能自己即今未知襄事已卜完
而令體亦神相平安否懸念懸念生歷巡海邊蕩
然無所為所得唯痰痛耳來卧星州時費長吁而
已向見方伯審令公氣力頓異於往日不勝憂係
凡人肺病則真源日耗而心熱亦盛以致陽不降
而益升不佞少年亦不謹杯勺而重困驅馳酬應
肺病日深而氣力歲不同矣身度此境乃知病根

所崇敢以斷酒蘇肺之語進藥於左右幸俯念不
忘則未必為無補奉晤未即圖臨紙悵悵

荅金昌遠書

金醫來致令札披翫感慰足當一拜不佞久留海
上瘴熱中人昏悶僅遣通問有冗故方急身又在
遠邊令聘宅襄事已完而尚闕走人委候瞻恨徒
坊日者副使說令公調攝過暖一切不用藥酒此
殆失矣氣虛則風氣易入連綿致傷無已時須以
好醇酒適中呷下行氣壯神甚妙天池茶導滯消

食食後服之快好一封送表辛頌宗金醫即還送
矣餘真攝署萬重

與金昌遠書

初寒想惟令况萬重瞻戀懸懸憑聞厓文暮年執
禮太過區區憂念何以盡喻臨老執喪禮經亦有
減殺之訓幸令公善告節哀俯禮毋貽後悔不佞
準擬一吊廬下仍與令公面叙隔年濶懷北胡造
變召命甚急且家有坊迫患故辜負此情瞻望
痛恨隔年正月當復下來其時擬作一拜第聞令

公還廢止酒篇不勝嘆慮幸望節留自愛以副知
舊之望臨紙不能一一

荅金昌遠書

到尚州留數日行過獨山村瞻望舊宅恨違一叙
此承情問感慰何喻第審體中有愆負慮良深不
佞積年六石間重得痰痛今來筋力頓異往時痰
恙頻作奈何奉道之事猶未料蕩然至此四顧無
下手地脫有警報坐見土崩時費一長嘯而已益
之令公昨夕亦來會相與語及左右戀戀耳臘劑

在尚州盡散隨後當有得銘寄後歸人計也只冀
慎攝萬安尚州見柳惲得聞尊舅氏令公患疾非
輕歎慮

答金昌遠書

欲作一書俾候令問先及仰慰仰慰生觀 奏文
畢勸而乃發行姑不寔日時事日益罔極東奔西
走死在何所為之一悲歎耳昨昏見畿伯語及令
鑑事生勸之即傳鄙意不審已有言耶近日則左
右雖有不安節者亦宜過勉出仕凡百有可商量

願細諒速出生為舊日知厚豈容不相盡哉

荅金昌遠書

隔一嶺而貽久濶今又失一別而行能不悵然書
及少慰少慰即拜首相於備邊司語及左右所處
有異於淺見此恐不然時事日急浮議滔天何故
無端而買人一番舌哉願更商量後必想妄言矣

與李子常書

恒福

生元來少知聞而近尤甚焉絕不見外間人耳邊
初無所來說者只以老親三冬病傷之後氣力大

異於前疾恙頻發適歸一念晝夜耿耿而臺論適
發於此際諺所謂欲泣而逢打者之類也此非藥
餌可瘳者而自上命賜藥是辭單未蒙一天日下
照也詞臣撰批太違是外人不知吾情事也朝
鄭夢與以都憲之言致一書生私自發笑不意台
兄又有云云也從前不避人言自謂差有長矣設
令有是實不足介懷今豈以此為去就乎是台兄亦
未悉吾本情也此情荷誰憐慰

與李子常書

有族姪來示新印柳淵傳後敘乃達城之子憑所
知人而要不佞一省者也其間或有異於達城因
拷時所傳聞者台兄既非此獄委官何勞拈起兩
滯訟為我別紙連家人坊懸幸可分付否則使何
日定入城耶兼候起居

與李子常書

舟師聚格卒為難乘此號牌之時欲設屯召集而
未得可人崔從事甚便於公私方在體府未敢自
為請來淮陽設鎮畢竟做不得此不須崔從事為

之昨與張同知相對刺刺台雖在告未可令副使
改之否係關甚重敢此臺諫承宣相繼而出台兄
何時翻然耶

與李子常書

聖廟久空王堂盡劾去今日府院諸公欲請闕
陳啓云外議憤激事深日急一日似難循例處
之吾儕或請對或與正卿或二品以上同辭啓
之如何今日有方物討覈之舉此亦大事而臺諫
無肅拜者亦不得為矣病中不勝憂懣敢告幸示

報

與李子常書

曩台以任蒞為寢語曰昨得聞崔避草則件件皆是
是虛語而費了許多經營飾為回曲前日台示招
趙哥促之者其果然矣其時趙也因他書來見吾
語扈衛當速徹且聞內武庫兵器見失此事欲知虛
的云而處置臨海事不曾語及假有是意其能語
於此人乎今乃云云李也雖在遠趙也在京其無
言乎事發數日吾對黃思叔及一宰偶語王堂當

輔導若德今約告有未安不料此語遽落於其耳
發盛怒於此而懷恨於自為之地始而唱說諸
歲今又聲言引進以搖惑衆聽而乃託言不仕以
為隱伏計若必矣今日又不出未知有何事耶任
之引入亦何意耶曰聞所聞所慮乞示之觀其人
似是虛妄暗名而中無三良可笑也

與李子常書

我以空而落不測之地台以崔而增入相之望交
友之利害相去懸矣似聞約廳罪人繼得而隨

後被金者又相續生待罪而不發欲辯而不便無
端卒有度日卒可指示方便否 鞫廳刑房都事
高尚志經詳稱上公也頃欲任職官在彈理廳上
下皆究之盡後官之聽信之代收之解究如何具
人可用其究又甚并希台照

與王子常書

府院公先吾齊以閣明吾儕似失重體茲以云
云矣聞見 答語屢上之批部人未肯此慮今
果然矣今日之事不可以常規處之雖更下萬萬

曾如有一分補綴之勢則早晚徐疾何關焉深恐
任策大為疾崇而鬼蜮之說隱叢莫測駭機此事
終頭基朝廷之大禍高明商量如何適晉原來
過勸以今日上劄姑俟他日與同吾儕舉措矣如
何如何疾困不脩

與李子常書

一寒中人流汗不能起悶悶或言右揆劄中盛斥
五峰與生云兄亦有聞否恠妄之徒持酒饌留連
其門下數人罪曰可懼早晚必有助我一大舉生

只候此榜今不要急聞先聲耳勸勳甚迫歸計亦
忙明若有命召則欲擁袂扶曳勉入賓廳明早
可令錄事告銀臺否手戰胡草不盡

與李子常書

親病彌留不知送迎歲律而似聞城中人議不佞
行止者多不諒本情世間事類是尚何歎焉第通
衢貼榜台兄亦未及知而生之一家之憂病又相
值焉深恐外人未悉家間患故而反起猜慮是之
為悶焉耳李琰乃昔時朴思菴所賞拔人又為吾

儕識面三四十年而棄在田野間武弁與名倡過
十年則決一生矣台兄議西北時毋貽用智恨老
之歎如何五十之年忽焉已至回念舊非茫然自
失奈何

與李子常書

畏懼病發有如溺人之俞向深也曾蒙示誨未能
容易開戶今則時月既屢更矣蹤跡益狼狽明間
欲上長單乞辭本職與無帶提調聞度支有啓將
循例寄祿尤難強出且念事機或有耐過時月為

漢陰先生集卷之十一
便者安計素有在故雖以高明之教而亦不即回
惑奈何如有所商量則示及幸也

荅李子常書

示意謹悉昨聞先來通事之言使臣語臨海一款
殊失於不痛快而撫鎮差官之事反覆思之終未
曉其意舉措亦為殊常無乃有所以然之故耶此
間有淺慮所及而未得抗顏參於獻議之列又未
得見使臣周旋之狀國之大事不堪悶鬱幸可
命槐院人緘封見示否華帖承領但吟咏非時而

吟思久沒其何能副命若不速為推還則留之待後日

與李子常書

仕舉子削科未安事外間群言吾儕當有一言頃暫以右揆意告左右矣右揆昨又貽書如此未知何以為之嶺劄事劄未下前似不宜隨衆爭叫而此則又以為尤不可緩生近來私患憂迫釋負念坊察職心灰開嘿欲從衆願台諒教右揆書見訖擲還

與李子常書

命召三下而不進悚慄無地乃草劄以替議單而
未得見禮部咨有同云局行夾者今乃見焉則讓
本似因譯語失明白而發而面質則又令毀其真
讓假讓者耳因其有而辭之謂之讓有可疑而詰
之謂之質今不其然差官來此亦審其實狀而去
等項措語善及於回咨如何今朝槐院官以台意
來示奏草而勾管文書自有該掌生何敢侵之但
遲思為貴作文次之似過費枝辭台以為如何不

備

與李子常書

天朝之有橫議想全為福王而發而至有面質讓
本等語則不解事之酸議甚矣但聞使臣論臨一
款說話踵前日奏文中語云其果然否凡事當以
實未知 廟議建白如何見朝報則文官一人賣
奏去必以事體為重而不令譯官獨去也文官之
行必路有遲滯之弊何不令兩譯馳去乎追奏前
去則大事必即完而似聞外間多駭目者屏處不

勝悶慮幸示及

與李子常書

三十年知舊方落於不測之地台兄為證於其間
不思手援以救之耶欲上小劄劄中字字虛實無
毫蘊第懼狼惡之人傍有駭機幸措語間細諒細
教也

與李子常書

忽聞敏手先呈前頭變恠將多所言兄為其一我
為其二分題亦不妨矣劄草見示

與李子常書

見彈則行止快矣而不彈而極醜詆使之自處所
忝非庶官其為朝廷辱豈少乎彼言有同米市
闔婦言對辨誠可恥不即有一言亦為此耳第闕
士夫進退廉恥終乃無言則恐難矣如何如何昨
見王汝所與語此事之士友則大事大發後渠有
上疏之意云喜事之病一至此哉

與李子常書

朝聞崔也不出而教任先避今見避辭則顯有批

起大禍之形欲以實前日反獄之說良可畏也早
料其有駭機而寬慘乃至于此吾則死生都任之
矣第未知國事將何所底止耶禍機若非細則
台預議于首揆而善處亦一策也聞政府進香
迫近首揆不得不出云然耶臺諫畢避後欲呈辭
劄暫達情咽其無乃更惹起否耶明日將不得進
謁廳自此恐相見漸濶敢以書布

與李子常書

早知言發有駭機而近聞私相聚說則可懼可笑

可痛臺官姓崔尹俱不出而南也先出至堂抑造
何等撓耶有人來說崔有大事必稟台命大言動
之則無他事云台其能處此否草堂雨漏不堪欲
取蓋資武庫無神惠為功

與李子常書

昨見五峰委書深諭今荷台教又勤至生非亦石
寧不動念第生之情私舉國人皆不諒今刻又劑
送養胃藥一封于病親所流涕仰天而已所痛限
者台兄無一語及此切迫狀于筵席間耳

與李子常書

行左契而蒙謬命筋力所及自當勉徇國事第
聞數日來群議愈益趨動追奏及差官回報之
美入去則事完必矣今計但當速完追奏火遠
發送而生之行則備擬今明發者以俟中朝或
有他奇而即發可也未知廟議如何廣寧差人則
欲以何官遣之乎示教凡事動則謀不周觀人之
辭色多動者是何故耶

與李子常書

自出太廟連日困卧今日疾作不得參會坐此草
欲面議而未果幸片教如有別意不妨婉辭添入
嶺劄落閑而終頭必賄待不好事可嗟可嗟胡草
不備

與李子常書

病廬一均不見人間嶺南鄭公又生駭浪未知台
議如何而景象又如何耶流聞多未安可嗟可傷
陪吏為其同在投懇狀諒賜分付

與李子常書

江船電別自入適廣以來尤功依依生宿緣耐苦
世間土辰以後歷盡平壤島山倭橋之戰風雪滿
寢衣矢石落傍邊自謂險艱嘗已盡矣不料苦境
尤有難堪者畏景鑠金炎塵眯目數步不能堪行
乃日馳百五十里此際擁逼困惱之狀想故人有
以體諒也所幸得及兩差官之行於廣寧不失事
機今欲圖起多官會議之時恐筋力先仆耳通問
未知風色如何身苦而耳寂為幸每想左右興語
翁作何事業當初邊上多胡說差官若不能善處

則國憂大矣。拯鎮爲我，國頗盡力而告訃之。
行多難言，極可怪訝。到京有周旋之事，留譯官而
先發恣恣不盡。

與李子尚書

申疏河由見只因人傳說大槩得聞主意耳。昨書
有云舉名顯彈然後不得已而入云生之被斥極
重，非特顯又顯而已。從此無出門之勢。今日雖承
命示亦言病矣。兄則無指名之事，何可必與我同
哉。大事不能結末前頭恐觸天怒，願兄毋入水。

曰後溺人也

與之爲書

兩臂施針半日伏枕 詔使迫臨禮有所疑敢質

三三近日之事多有出於臺閣而元光未及與知

者雖然如 朝廷大禮軍國重議台兄在位其敢

曰不知幸蒙教常時慕華館迎 詔後大駕從新

門先詣勤政殿受 詔勅例也今乃行此禮於南別

宮此處必不成模樣既立正殿舍正殿而行私館

者何耶又聞熊 天使則頒 詔於南別宮燭

天使則頒詔於仁政殿此尤未解如白衣設宴一
節思量不安熊使雖一任本國所為而劉宦性急
太自重豈許衣白到此狼狽而前後異規其將以
此吊彼慶為諉耶似觀近來氣象曰益瑣狹江都
定斗又有歧論欲遠事湖嶺海邊向化預處之言
尤近於婦人之議此言先播則事有大不可者倘
局何不善辭鋪陳攻破使外間聽聞曉然耶江都
若欲為早晚依歸之所則當破格措處若是循例
無實未知其終有就也台以為如何

與李子常書

昨日鞠廳無繼入者耶計於何間可結了耶鞠事
過漢陽則無移于三省之議耶昨有人見中丞而
說稱見避尊一變前所聞者極醜詆云聞來皆虛詔文
節且言此人提起吾斥罵云云儘無形影必中間
教唆者做出許多言也可笑可痛此人今日出而
定避云台必知其狀幸示之

與李子常書

靜攝想漸復常勤遡即見吏報館儒又退散頃見

四五上章已駭其過今遽有此舉終頭何以善處
昨有人傳嶺南諸議必激大變今之所憂不在斯
文是非而朝廷之憂禍機是為大悶似聞外間
風色日益可慮若何而暫調劑乎生初慮其如此
不欲先下手而見陷溺之勢手攬其波乃倍其人
吁可嗟也

與李子崇書

生之乞遠之情上而天日未燭下而羣國皆不
知私功悶歎昨銓相送言得聞台兄與右揆答銓

長之語台語深得事體生方以為幸不料其說熾
起而右揆之欠商量至此也此事亂後始創開者
以公以私豈非俱未安乎今幸台兄在焉其不猶
流俗之言而為苟且之舉也審也第今勸之出者
多不諒生哀曲乞台兄語及而痛辨也生雖罵劣
豈不能容一人之言而慄慄介于懷哉况彼既以
好直自名而如悔其誤發則因而並濟固無不可
何必膠滯而使人視君深較然哉直以所處之地
異庶官欲審其自處於此地者耳昔鄭文翼公為

相被論停 啓翌日即就職此則其勢有可以速
就者漢之直不疑第五倫自甘偷金槌婦翁而不
辨此與朋儕言耳若景帝明帝諉以爾曾偷金矣
槌婦翁矣勉其棄前過而就命云爾則此兩人者
必不晏然御史京兆尹之位矣況生之所負者是
何等事而自 上猶未悉其狀至於詞臣撰 批
亦每以論議異同為辭生之情事於何暴白而又
何由以抗顏乎韓魏公雖以三朝德望蓋一世而
一被呂陶之斥神宗於初政雖極力勉留而琦終

去相位古人於去就間其自處有如此者頃日黃
思叔以台教來勸出生問設以身處此則當勉出
乎當呈辭乎思叔不答此但言事勢必須出仕生但
見決不可出之事勢耳未知此事勢又在道理幾層
耶台示又有云云台以身處此則能翻然耶終之適
耶棟橈攘傾非待生之去就於此時而人之歎之者
已久矣凡此曲折願深加體諒也玉汝既誤於前又
欲誤於後可笑其迂之甚也如有所疑覆教之幸甚

與李子常書

欲有一言而恐近於彼所為者焚稿而默坐噫國
事乃被弄壞如此痛哉昨見台 啓粹及鄙劄覆
啓私心甚憾今又以嶺外帥臣自處而若超然於
世務之外者當國首相乃為此言此計而其於大
段都翹然不念其安于心耶即有教速出大將生
摧遏公論之人不敢抗顏論舉推之于備局願台
準穀而待之

與李子常言

左傳還鵠謹領第題面甚肅誠如前日台諭可笑

今年冬為造物所戲病憂與家故連仍廢却玩閱
舊書虛送好光景投老懔懔奈如之何

與李子常書

此時忝在大臣勘定此功身參其列疚心奈何今
所憾者宦寺下賤並見收錄而參榜百有十九人
則其亦博矣死節者無一人得參後世謂何生自
初如勉就於打白之題者而無以盡情商議 捐
前妄發又被沮於僭議彼湖南人心必多憤慨矣
車云革亦參於敵愾之列宋鄭之輩不追參則已

矣今取此人等而反遺倡義之人親承至當
之教其安於懷乎生欲辭勲以請此人而支離不
敢將何為而可哉幸酌量示教

與李子常書

近以病不得出門久矣曩一遭勉進一闕下又作
數日呻吟聞台兄廢仕有日而至廢獻議愆傷無
乃重乎邇慮今此翰事異於規例而遷延無了期
非但方外臆說漸曉曉八道稱臨海奴而橫行者
其靡不億今盡為失業之窮寇以此景象安能無

後來之大虞昨有人說稱臨海置諸桐縣必激召
兩湖之變請速按法或安置六鎮而具疏將上云
近有一種論議有如是者耶或又說 天上疑畏
而愈飾嚴衛者皆左之所為而其間有奇奇怪怪
秘密秘密千萬種可慨又可笑也但未知國事終
何以收拾乎首揆雖出恐無可為其意必欲避乎
頃有人來傳崔也到處詬我至欲劾擊而東曹鄭
侍郎亦和其說云吾則毫無所動乎心是亦妄人
也已矣吾久草一疏欲達情而惡大險恐又恐

貽損於朝廷而反沾自家立節之名悶默而置之矣不知台以為如何亦教

與李子常書

遠卷處坐寂無知聞今見吏報右揆之論語及台監為之燼眉一吁然於台監則閑貺也又何歎焉頃見張同知聞台教僕亦豈久於本職而乃議之奪魚任者兄論議以本座可議而兼任不可改云云何過慮為端候不脩

與李子常書

漢陰先生文集卷之十
一
墨冊依領示諭果當事不着功而認得者譬如不
耗而自長之木穀長也雖一般而收實相懸參之
人事寸幾心悟者愚竟所得讓與質魯堅確者意
前賢所云似謂階級精粗之論不如小學四子周
悉耳台意以為如何居閑有念有疑無便陳晤良
歡良歡

漢陰先生文稿卷之十

漢陰先生文稿卷之十一

簡牘

與李子常書

早熟漸深長日昏昏粗造常擬一奉以破阻鬱而
茶無便何雨前新茶曾求之湖南得之不敷少許
分上幸試之若論茶品須先泉味煎法台以為如
何餘不備禮

與李子常書

即見公亭中有兵曹啓目城外居人民士大夫并

撤入城內令備邊司議處云看來放一笑謂城中
虛跡而盡移城外則城內未足實而城外一空
以其策為可議否耶跡而且近必取人一而兩增
騷擾耳勿以病生在城外而為此言也

與李子常書

一發妄言言官重挑撥關惶恐奈何此有晉州人
柳伊榮乃故柳宗智之子也來言賊情頗真的殊
異乎金光華一問彼中事如何風月不佳臂病重
發鍼灸方始不具

與李子常書

謚議國之重事朝闕無領台恐又如昨日之徒往
來且前啓請晉黃然此會者非以原任大臣應參
也特以為院相之故而請之又慮有從傍竊議者
既辭以病矣一日之內辭此會而入政院似非便今
日姑請他負次從退入一日也昨有一宰傳尹海
平之言差出院杜非規例世言其不當一松之言
必非偶爾愛也外議如此吾儕以為例而旅進焉
其可乎示衆

與李子常書

比來台履開卧如何。有懷難一。昭張想。張想僕再
下無可為。唯以遠遊。金在為。閑念昨有人貼榜於
訓鍊院東柱。與賤名而加不測之言。此弊以勿傳
之法。典論也。癡兒之應。貽人議。則料之以矣。而猶
未知至此之甚。傷庸餘。鳴駭汗靡定。即擬上章控
辭。徐議進。只係本在家僧。也在家緣。薄春來。聖恩
浮海意外。遭此厄。可憐。駭自處極難。幸台熟量
見教。勿以已獲。自便。而護人飲冷。暖也。仄聞李王

汝輩將上辨疏此必添一駭機公論之定何用急
於目前乎如有親功人願台力止之區區猶致念
此及

與李子常書

遙聞台體近頗蘇快深用迎慰生還自溫井舊疾
轉加僵卧粗遣職名若盡脫則歸死于廣陵先寵
下是之為功功今使又來止胡竊發而在朝無
出謀于此者風色日振人多起顧將安所統駕乎梧
翁已歸於陽完城再相凡百在邸報想今默會舟

師格軍格翁率爾分付丁差使負之回邊邑私賤
盡被調發不但生為食言歟怨之歸他日上司出
令民其信乎事機有聞利害幸諭信事者遠圖改
處使邊民釋然何時轉入嶺南唯冀節宣萬安

答李子常書

遠聞令供仕萬安為之喜慰生歷盡海防種種無
形寒心寒心水將多不可意而統公所為亦甚生
踈誠可悶也自鯨島發還時統公與副使中流送
我風起浪湧船中人多卧統公亦色變氣奪艱上

他船只此一病難以此任奈何奈何來此見李雲
龍頗有器局能文慮事熟諳舟楫之妙則無與為
比故統制在古今為時曾言其可為此任其言不
虛矣第官職尚卑今須預知此意以圖養望可也
李應虎人器亦可稍視今之水使則多勝矣幸有
稟闕舉之幸甚

與王子常書

不佞人間一罪人耳今遭變憂方寸漸亂悶泣度
日息賻全添出於意外感謝何言曾聞李安山間

台教此乃六七年来商度寸心上者為之痛歎無
已面訴欠項元增嘆賞

與李子常書

微 啓道侵大臣願江而弗避猶恐尤緊右台今
已走居其首者寧得晏然乎昨今俱以疾廢仕而
此後自處極難託我者皆令為之累也其無怨耶
深恐節節有難處之事亦且奈何頃日妄 啓所
懷外間頗多言嗟嗟行路難乃至此耶

與李子常書

頃荷台委示良方適會痛勢減歇未試之因呬酒
少許夜來作痛倍于舊時今也備局之坐不得隨
叅凡百有奉議者而未及可嘆統制未得極為憂
念李雲龍世世業武其考作南海倅乃家門兩班
也第有鄉態今年中使之行亦不為衆人諂媚態
恐或有即墨之毀且嘉善中亦恐有 天意眷念
如何

與李子常書

日前得奉台復書遙慰遙慰不佞病卧依舊欲轉

向正道而邊頭事尚有未完者姑此留滯嗷嗷中
掩耳而消遣可笑李金堤之請來添得湖中一謗
想洛下亦多有嗤議者第金山固城臨當移民而
其間得借此人頗古大勝累度移文煩一月奔走
則可了今聞台教以呈所志云尚未肅拜在京則
吾安得處置哉良可笑也其訴牒封送幸傳致之
病憊僅草

與李子常書

病浹三月不能出戶外知聞盡斷塊然為一頑物

譯輩非盡為竭忠報國者豈肯樂此而兵部下吏
亦圖要人情今無他端如例置責質之為則田尚
書之報咨誠宜矣此際不為言遠則後悔非細宋
業男既將資咨赴也門復請一書言辭發咨于萬
公處請為轉 奏區區決不可已且本年四月後
海上連有震賊之變此亦孰知軍門不姑台頃酌
量善處凡百欲奉志無從奉行

與季子常書

家君以在寒疾昨不問適有書也但後為錄數一

事生強為卒證而台鑑上年 啓辭尤使我狼狽
未前欲有一 啓而議未定未果也竈博以後除
守令者與因公追到平壤人一以於西則襲久右
揆之意得矣竊於其間恐不無可議且征倭軍功
將士多顯望微末得參 邑從之勲而將士宣力
者多失望則後慮多矣台既以向來元勲之所處
為不宜處而生亦難於擅斷席間之論鬼神先傳
可笑可嘆此事當速完又當詳盡幸台教

與李子常書

謹問比間台起居萬安生來卧京山已近一月百
事無下手處但有時長嘯耳慶左水閫句狹手生
勤而終顛愈久而未能以此軍情極厭之前頭如
有策應之事必致狼狽第此時易將不便姑且耐
待今則虞操漸多生姑令李雲龍馳往本處檢飭
來朔督番格軍分部之事云同松雲脩葺城屋此
人手熟酌量從便易置不妨幸惟台諒處適疾作
不宣

與李子常書

鄙人情事雖老兄亦未深悉每切痛嘆僕亦人耳
前後蒙上諭多未安寧不動心頃見老親私書
又心折涕洟不知所以為計此間逼塞難處之狀
非平日相識者誰復心諒今日筵中倘又語及則
願痛陳切迫情勢必脫三十年知舊於極罪中泣
禱泣禱台兄見鄙劄則亦必動心矣一松意其速
出何又呈告益增蹤跡之狼狽耶

與李子常書

人之處事之始不審而欲後之無事益難矣此事

僕已負重罪而掩護至今人言之時設固其所也
第上年經營論議曲折最後得聞一二亦是縮頸
此而安過其後則人雖云有言者而頑然不動人
情誠可笑也向日萬撫臺留此時僕欲措辭自首
而承台教還止到此無自為之道但當靜俟言設
而請服罪而已昔日備邊司之坐僕不云乎留花
之事頭疼猶在盧侍郎不悛不懲反蹈其誤舉甚
矣其惑也鄙意花姓留此僕心裏長如負譴人葉
靖國歸時欲通情而附送未知如何前日訓鍊都

監處置事自揣為經遠長筭而言設被令詔國
家養兵規模若是其狹少苟且而能有為乎從當
請教幸台諒之善處

與李子常書

向往訓鍊都監屯田多以自薦為官者而踈欠滋
議即有前判官洪禹績松雲僧管下力戰人而今
長髮為朝官者曾於島山倭橋征役知其名矣今
又有相地僧為其姓族也而由請之要為一處屯
田以效其能若其見而進退之在台鑑與有司堂

上生不之固也十四辭朝出外未間唯希靜養萬
安不具

與李子常書

夏序景暖台履萬安遙邇前在固城祇承有
旨今又祇承非但生有疑惑邇上人皆未曉解公
事本意以為訝焉統制之移設利害非可議者而
尚未決豈台鑑見牛未見羊之故耶抑湖伯有別
言於備司耶慶尚右水營之屬最優於兩南諸水
營全羅左水營遺存之數纔及其半統公所率工

正皆嶺南沿海人也今若刷還盡屬本道則統公
無所為矣且統公之富只以管三道海邊物力耳
故邊上語曰殘破之地所當遣者統制也其移徙
不關于農節早晚狀云云只歷言其利耳豈為
此哉幸考今去書狀速賜裁處因便此謝

與李子常書

抱病閉門知聞久斷一候亦有計未果即因郎廳
告請將會于備局而衆中不便私議故敢告之今
此諸功磨鍊終稟 睿裁而大槩則必須自下詳

盡議勘也前日始議而舟師列將多括出於議之
之列而陸將少與焉且據魚兩公雖有勸贊建事
之功而論其績則微矣舟師衆論之言切優者此
人外亦有累人如論之當先此而後彼未審台所
聞如何延安之功恐不可不錄如何紙尾示衆

與李子常書

感冒之餘痼痼痼重門剋即聞金羅水使有議處
之幾未將多不得人寄未有變則元可慮也金
也為清強自守之僧太無運用有意何為忠清水

使御封其志願可取今到忠清道又變生梗手段
云此人移之全羅則何如慶右裴公遲緩嗜酒必
不任焉為致請稅不納而有膽才頗頗謹實滄裴
而擇于此二人何如商歸而然家恐不及春汛病
阻請教幸即呈示主統信有貪狼之病而曾憤水
戰且少有才警勅而任之可保無事耶

與李于常書

會寧道變清胡必須一番示以兵威明川以北人
民可得安頓豐作秋間見調度抄軍之事不滿一

晒似有以存亡之舉不深留意者私竊悶焉 啓
以姑停圖出於萬全矣此事若為之則開年二月
晦前不可失也否則恐終年受其侵辱頃聞自北
出來者之言多與淺慮不相遠且精擇具沆韓明璉
輩流四五百配以上兵之健者又抄平壤砲手五
百京砲手五百使之滿千然後可無辱矣各道雜
軍不須並煩徵發如何令為允我故敢陳所懷

到通州上會同館提督洪爺書

士之生世孰無天畀之性與氣哉是性也是氣也

聖而匪豐也愚而匪畜也內而匪深也外而匪淺也顧能養而充其至者為貴為耳鯁生海左僻壤人早業讀書為文粗知有可樂者局於偏邦無以展衆弘蓬矢之志井蛙籬鷄雖適其適得不為大方之見笑耶幸今奉國書而來獲覩聖朝聲明文物之盛其有得於觀感者已勝卅年書矣朝之宏材碩德相繼蔚起陶鑄治化羽翼斯道鯁生欲一就大人老先生之門以質復性養氣之說而償宿願焉則外藩之使禁戒有拘坐館悶嘿相望懸絕

何啻讓出于黃鵠哉仰惟執事稟徽歛之清淑負
郎署之望實其遊戲乎龍尾夢光攻翰墨者專矣
學必期於盡性文以洩其深博宏大之氣豈非鯁
生之所願見而未得者耶往在成化獎邦人金駟
孫以貳介來朝程先生謙愈提督本館見駟孫傾
許每下館從容講論仍出所著小學集說傳布國
中時李西厓相公在翰院程先生為駟孫紹介遂
被西崖筆札相往復此皆先輩愛才無間於內外
惜乎執事高邁于程先生而後來者多愧駟孫良

足嗟矣新安道學至晦翁而大明其後由勉齋而
金氏由金氏而許氏到今繼其傳者誰耶歎之文
章在古尚矣不論近時汪公南明許公海岳俱以
藝文名所造淺深一鄉諸獻謂為如何曾見海岳
寄鯁生婦翁詩文清活動暢自勑大家言如有二
集功欲一者未知孰事使鯁生得見否乎鯁生卜
居頗有溪山之勝奉老父其中以盡菽水之歡雖
仲長樂志論不足過矣往并蘭嶠朱太史奉詔至
樊邦留詩揭額以侈後觀再欲得中朝絕筆一題

希又未知執事能俯遂鯁生所望否耶宋太史乃
執事同榜茲以轉托于執事而欲執事為紹介于
今之李西厓無乃涉於太干瀆乎曩因使事未完
不敢發口言私事今已脂歸轡矣一辭省臺如滿
天淵再瞻紫芝眉宇杳無期矣臨行蜀勝依依索
中刀翦聊表下咽幸希執事惟情其物而勿却之
獎邦譯官方留館如以為可教也願賜一言悚仄
不佞卜居在王京東八十里後背雲吉山前俯
龍瀕舍傍有南北兩澗出洞為交劍形入大江

南溪畔有小亭乃家尊顧息之所名曰怡老去
亭迤西數十步有小軒名曰真快舍南構書巢
積書數千卷定省之暇攤書消息名曰愛日洞
口有亭翼然臨高阜與江外峭峯相對春秋遊
玩其處取其形而名之曰挹秀此樊居之大際
也願得一時絕筆題額以賁江山之勝乞執事
恕之

上沙川復初滄洲書

不佞此來多荷諸丈厚愛十年潤懷纔得開慰而

逢場又別筵矣杯酒與日晷俱堪惜矣回到通州
旅店魂夢飛越惘惘不已見諾樊居亭額幸諸丈
善圖於一代絕筆或留題或寫額以為海外知舊
永久賞玩而傳子孫之訛謬也樊邦譯官方留館
憑寄報音是所望也別告黃爺今去楊老爺前一
書因便傳致速得其肖像以成先實君求覓未
遂之計不任悲感尤切矣願千萬留心臨指神往
筆舌不盡統惟僉位曲亮

揭揚老爺書

剝盡陽生絢惟臺下起居順時萬福嚮風潮慕不
勝區區開城追別行塵恍如昨夢歲星將一周矣
每想臺下警誨之益爲山征役之苦寧忘天
淵遠隔何方達一函於左右耶丁酉倭寇之再叢
難也靡臺下之靜勝則漢京幾平潰矣成美已定
殲賊有期不幸流言壞事和約退敵臺下之勞績
乃返為後來者之功嗟嗟小邦口碑雖喧奈不與
公論何哉古來人事喜姦如此竊自痛矣先實分君
感銘臺下義烈委遺大陪臣入奏申辨且命有司

起生祠要得臺下肖像以垂永久屢令進真陪臣圖
寫以來茲事未遂先憲君忽于本年二月初一日
棄世攀號何及何及職適奉嗣君襲封吳王京師
遇黃叅軍應陽開通間臺下消息傾慰曷勝仰喻
重拜紫芝眉宇杳無其期倘令龍眠一寫但揭虔
祠中則無生與國人感成先憲君之始計而峴首
墮淚不足言矣乞臺下諒其誠焉言長神往無任
主臣

上吳游府書

回到鴨江竟失攀叙歸計甚忙又不得等待報音
而去出城瞻望蜀勝依悵此後更拜紫芝眉宇者
無期矣念及于此良足於悵廣寧前撫鎮有合揭
于當途欲因樊邦嗣君之未定位也而占取地方
作天朝郡縣被宋王兩帥事重蔡未知二老何
意出此計也大槩盡悉於兩蔡本而前起告計
使臣得揭稿於一科官家不信恐其偽作也念此
揭必在首輔記室敢托令表弟使密圖覓看矣令
表弟文追到通州說稱多費重價乃得同行二公

謂此揭送貴府傳致為妙遂成約而來令表第丈
說跟到而迄不至矣幸十襲密封見寄至望至望
不佞初隨仰城李元帥再隨揚撫臺之行終乃躡
西路劉督府軍後一時出東總府叅遊監補裨叅
軍俱記姓彌以備後考不無刻錄小冊子燒失今
將臆記書出而間有不明白者須體諒下懷照別
錄謄示庶鴻泥舊迹不泯有傳前屯李總兵前部
也春亦告以此意封去簡子幸因使風傳致得答書
並見教也離思裝積筆舌何盡唯祝起居順時珍

福

揭空摠兵芳春

行過轅門冠服不備喪中白衣不可入府下竟失
攀拜出城回望步步皆恨路上豪專倖賜以厚禮
感戴何量第海左塵蹤無緣更拜紫芝眉宇得好
機而巧違乃如此平生如嘆不盡咄咄奈何不佞
初隨仰城李元帥再隨滄嶼楊撫臺之行終乃躡
西路劉督府軍後一時出來摠府祭旌監徧裨祭
軍俱記姓彌以備後考不幸劉錄小冊子燒失今

將臆記追寫而間有不明白處須體諒下懷照別
錄贍示庶鴻泥舊迹不泯有傳今因吳石樓丈草
此以達千萬臨紙不盡惟祝起居順時珍福

答倭將書

渴落與攝津行長為先鋒再犯全羅道是未知足
下誰天朝及獎邦耶關白賚足下而然耶天
朝之至恩獎邦之厚義何足下不思而自絕之如
此戊戌之冬水兵天將陳都督與獎邦邊將摧
破倭船於南海後洋觀音浦約束天朝諸將欲

追擊歸師問罪貴島弊邦以禍本不全出於貴島
懇請而止足下負弊邦而弊邦終不絕貴島之意
想足下亦有聞矣 聖天子甚怒日本蔑冊使而
動兵申飭兵部 命留名將及精兵二十餘萬分
置弊邦八道以為數十年屯耕教練之計至今
天將等皆以貴島為罪首乃謂弊邦誤親貴島勾
引兵禍此蓋以足下及足下之子孫為先鋒嚮導
故耳來諭有云對馬島主在大板待報朝鮮和不
和之事而後載運軍糧云弊邦所不得自擅之事

足下欲賁而成之耶以足下之力而可止日本之
兵則何不能止壬辰丁酉之兵以足下之力而不
能止日本之兵則雖講和如前日而還恐背盟又
如前日是下先既誑而負之又將再誤耶弊邦惟
天朝之令而天將說稱對馬島累誑天朝
及朝鮮非有異常忠款則其言尤不可聽信之弊
邦獨能擅斷乎雖然與其將來不追既往者聖人
之心也包荒含垢許人革面者王者之道也日本
若能以誠信相與而貴島亦且大加懲悔表著其

非常之忠悃圖所以自効於天將而得令轉奏
天朝則人之所欲天必從之於斯時也弊邦惟
皇朝指揮是從前日之事何可提起再論惟在
足下盡其誠意耳貴使久留慮足下懷疑請於
天將常來先送來書則天將轉報於天朝上
司如有處置當遣人報知不宣

荅平調信別紙

辛丑八月

別紙所諭要時羅等始到弊邦天將輒即呈送
天朝其後處置非弊邦所知蓋往年日本待

天使無禮反動兵戈 天朝深怒其桀逆拿問要
時羅等足下豈不聞乎自古無殺使之國契邦粗
識此義要時羅數輩殺之何快於契邦留之何損
於日本而契邦強留不放歸乎其無此理想宜諒
之不宣

三 答義智書 萬曆二十九年十二月

信書并至益審足下惓惓之意修好曲折前書粗
悉之是下復有云云契邦事無大小不能自斷俱
稟 天朝處置實足下所知也是下既知事情又

何用壯哉舊好若諸則涵育並利安民息爭乃王者之幸豈以已往為介懷哉和之易成如可以任意則不必待足下煩諭而樊邦已自決矣往年日本失禮冊使重致聖天子之怒近又零賊頻發益忤軍門邢老爺之心和事之漸遲者皆是貴國之所自為而今乃責速成於樊邦之下已深察此等事而有此言乎其未能深察乎此而徒勤往復乎樊邦竊惑焉曲在貴邦則據何狀而為辭於天朝雖有辭而天將豈輕許之若貴邦革面改

心所為不曲而自取信於天將則和事不勞而
得不煩而成此其利害遲速皆在足下自己求之
者幸與柳川平公熟諒而處之和成為兩國之幸
足下與柳川亦蓋愆而流名其不義耶統惟照諒
不宣萬曆二十九年十二月

答平調信書

去夏足下刷還人口委致信書獎邦且悉足下之
意又據谷人說稱日本自關白逝後國中不靖而
家康公有悔禍之意對馬島主與足下深量利害

要講舊好此與前後走回人所言相符弊邦與留
守 天將同議即將此意及足下之書稟報軍門
邢老爺曰日本之事既如彼對馬島之欲通款又
如此請撤移防海 天兵休養其力以觀對馬島
所為更議進退軍門批回曰日本事情曾因福建
往來人飛報已為聞知今據所稟亦然當依此處
之但此間海上零賊竊發深慮朝鮮又為對馬島
所賣弊邦與留守 天將再稟海上零賊必是小
島下倭所為對馬島方要講和必不作此事於是

軍門命海防諸將移住內地使之更察對馬島形
止弊邦庶期自此而事可諧矣今見來書果如軍
門邢老爺所料足下又潛搶海邊無知鹽率以問
國事弊邦豈知足下作如此屑屑兒戲事乎若此
之輩縱虜去數萬無損刷來數萬亦無益貴邦下
戶賤卒得與聞國中之大事乎自擄自還只見其
反覆之狀於天朝今此來書非是要和乃自絕
於天將曾謂足下有長慮而處事乃如許耶自
壬辰以後天朝謂弊邦誤親貴國勾引兵鋒其

後天朝將官經理國事細微猶不得自擅況此

等大事乎細者來諭一向督贊獎邦事勢足下知之既悉何又有此言倘此言徹於天朝則徒激

天怒而反有害於和事足下爛熟商量其不謂

然乎為今之計不在多言惟在足下痛改舊愆能盡其誠意以取信於一天將則不煩於獎邦而和

事可成如蒙天朝分付則上司委官前日與足

下面講者必將來往業足下以事成為期而加勉焉苟有其誠焉有不成事之理哉前書已達於

天朝而回諭尚未到報音今日來則弊邦明日
差飛船報知惟足下俟之不宜

答別幅書兩件

別錄兵器備悉見遺之意弊邦未蒙天朝分付
則徑受此物事體未穩欲還璧以謝又慮足下有
歟於心令邊將收儲略將土產虎皮幾令粧弓幾
張以報來使之勤統惟照納不宣

義智處粧弓五
張虎皮三令調

信處粧弓三
張虎皮二令

答義智景直書 萬曆三十年五月

唐臣外史卷之一 三
屢次刷還人口備審足下惓惓之誠本國前後所
諭已盡詳悉想足下諒之 天將方以是密察耳
目甚煩不敢盡及差來指路人無所闕之事而久
留邊上則恐妨於事機且渠亦請歸各給賞米還
送餘望自勉不宣

答義智景直書 六月

橘使再押人口來備審足下惓惓之意良慰良慰
頃日指路二人之還粗及弊邦事情想此書未得
達而橘使發笑茲者 天將以弊邦要與貴島

講好而邊報不一頗甚疑訝又遣王委官巡檢邊
上事體不便不敢詳悉來使略賞米布以酬其勤
今日事機成敗遲速惟在貴島盡誠如何耳幸之
下諒之不宜

答義智調信書

萬曆三十一年正月

屢接來書益審繾綣之意所示之事前已細悉何
待更加縷縷軍門萬老爺專管東事獎邦將貴島
嚮款之誠晉報者非至一再矣去十月軍門差人
持回諭書帖以來留京城有日頃始發向金山待

貴使矣近間事機詳在其書差人想又口中已盡
幸是下思其終始而加勉焉志州太守書奉玩深
慰但獎邦每只舉貴島誠款轉報天將今乃更
煩他書於論議甚多之時恐妨好事不敢以其書
飛報天將又不敢煩作報章但獎邦領佩厚意
不敢忘也其事體曲折想足下亦自諒之幸傳布
此情毋違也攝使往來頻繁勞苦極矣略施米布
遣還矣餘望自勗不宣

拾遺

與李叔平書竣

自得授示十箴披玩不釋手不意古先正之風味
乃得見於今日慰滿十分前後惠寄二札又惓惓
忠愛丁寧切至令病懦者有所感激興起執事之
為貺多矣伯牙失鐘期數無知音至於絕絃文人
以為盛談方正學公謂我得全其天而已何介然
於人之知不知耶又歎伯牙與文人之志之卑陋
此誠末世獨見也彼券外之言又何足論哉近矣
小休從容請教臂疼倩書不悉

與宰相書

病卧嶺南樓不進一匙飯但以江聲竹色為伴時
聞絕影鳥倭子怕我不啻若邢軍門萬經理而一
邊流聞群議斥我又不得若金應瑞之點考舟師
於行長前時發一笑耳曾聞宋公無事生事致令
監不安其位為之疚懷者多月病懶闕一書相候
即聞出仕為公家深慰僕曾折臂於唐逃兵而不
自懲又遭此狼狽可謂其瘼之甚也為一移咨於
兵部則咨文措語不可不細加詳量而持此譯官

又必悉知其事情善處然後方可無後悔幸令深
思而見教之西邊又有虜報云然耶逆獄推鞠如
何凡百幸曰風便見報僕病久彌留神短身憊倩
書不盡

與李子常書

勉病上章只為朝家大體惜也乃得血戰之教寃
悶我僕初意欲上三劄而批下尤不可無一言
擬略構陳謝右揆之不文如此將如何而可哉萬
事索然灰心益冷奈何不備

與李子常書

昨昏伏見 荅兩司之批竦然不知死所即刻人
有以殄行之說已入願察其影為言而通之者吾
儕今處之若何啓辭前似不可無措辭待罪之舉
而亦難輕發諒示

與李子常書

李提督送詩卷要本國羣大夫書詩其中生具由
入 啓而政院以 國恤遑遑吟詠未安使之措
辭聞今已有扇頭詩或為或否恐無據悶悶幸示

教

與李子常書

往日之夕見副學撰勘荅倭書頗似草略其夜急
草三書心手甚忙及其書啓辭之際草率口授不
復看省而入 啓批荅久不下只以速遣倭使為
悶今承 聖教極為未安又察 啓草則措語未
了了自笑癡妄乃如許耳此雖偶爾未察之故而
恐 聖覽看作何如亦欲再陳其曲折無奈煩耶
詔使接應一事民怨極多其不可與吏戶判圖周

旋耶耳聽無非寒心此及

與李子常書

造物多忌舊患痰痛乘涼重發視前尤急今日欲
詣闕而未果悶感奈何似聞外間自首揆議示諸
宰之後甚多嘵嘵銀臺柏府其意尤緊深恐此事
決未不妄會盟漸迫不為廷 啓而有進退否有
聞有思願示教

與李子常書

平生任性餘外都不知病不堪動大事又當前誠

不得不適台教亦云云未諒此間曲折而沉論
第以有乞解計久矣而賤疾適發人之以其心而
揣人之行止者或生雜議時及耳邊不覺一冷哂
生雖驚安敢乃爾

與李子常書

昨聞有命召為詔使事耶詔使當於何間來到
凶年又接此行民力難支奈何開年賊使策應關國
成敗收質焞藥所係亦重必得軍門伺候譯官情
面親熟者可以周旋成事且宋譯癡而不避事差

漢書卷之二十一
三
這甚可適因都提調 啓辭不許付軍職而有改

差之議果爾則左矣亂後譯官雖赴京之行有以
棄告身差遣如朴義儉者亦多有之況此賫咨奔
往以原任遣之何妨將此曲折措辭啓之為便李
台諒處郭存佑事置之耶並諒示

與李子常書

秋來疾恙交侵風與濕與痰纏痼于身今又經旬
患亦剝弱憊不起比年漸知衰態來逼而傷患又
如此良可發一慨也昨見功臣都監 傳教甚未

安今見下備局之教雖非于於勲事者而辭氣間
有多少損傷墮越無地錄勲一事恐終不能善處
幸深思善完以了此一場也生則自此惟自處之
恐不暇也奈何

與李子常書

近日呵喝出郊街柴夫亦為嘖罵不勝愧惡不圖
公論之嚴在蚩氓而如此矣莎堤老親寓下近處
隣人與奴僕連患疾疫漸似侵逼清心兩蘇幸分
惠為切少得臘劑已盡於分救敢此煩乞不盡

與李子常書

病伏但了遣窓裡明暗獻歲迎春都不管一問之
久闕無足歎者生上年以毒藥唐人將被入重斷
還朝之後屢及其曲折於辭章中而呻吟度日性
且迂緩曾不對人語及又不即自處梧翁在備邊
司率爾覆答稱依臺諫所論咨還為當第令都
監次知堂上處之云云而都監又無堂上尚今掩
置聞主論者提此發重論其勢似不但已欲具小
劄將自首於經理衙門乞伏重罪仍請下備邊司

議處台必從近出仕可了此公事耶大槩稟告經
理自請服罪於吾心安焉而於國事則恐起唐人
之疑謗于後日也所親切唐官亦有無跡善處者
而論議若暴發則勢未暇為焉如何如何此輩已
為本國人屢年唐人無知之者依往年上教姑
置之未為不可第一邊人哓哓可慮可慮

與李子常書

寒威折綿未委台履如何聞移寓失一候為歉此
中訓局之事亟有變通可以無墜軍中聞生上劄

莫不延頸以待而未得遂功擬再劄以陳辭不達
意之實仍請區請兵糧如前劄所擬議者則都監
罷亦可也不罷亦可也即聞獎劄下備邊當回啓
云一歲得米一萬五千石可以饋此軍泉府雖貧
其不能辦此乎戶判亦欲待此事議完而周旋兵
糧兩款願依獎劄所論請督委兵戶兩曹施行幸
甚前日各道方物其不因臺諫所啓罷之否外
方因此分定責辦獎瘼萬端云子遺困民亟宜圖
蘇一分台未可善處耶

與李子常書

來書云舉名顯彈然後不得已而入云似聞申疏
尔吾罪狼籍不一而足此豈獨不辨菽麥人獨為
者乎至舉戊申間薇長所彈事及前日收議而為
言其意不徒然矣吾雖欲抗顏捫班其於事體何
哉其虛捏之狀不滿一笑疏未下不敢煩聽聞
耳今日之事畢竟同墜坑谷有聞見輒示教

與李子常書

得辱復又聞豚兒來致報音迷惑不了今之所議

擬非是都監移之訓練院也此則已有 聖旨固
不可再為提起第自 上責其斬圖恢拓此則雖
都提調晨夜奮拳經營無可為者須如鄙創前所
論兵曹除出雜軍及出身軍功人然後軍伍可廣
戶曹給糧然後都監有端興為可盡革也此兩款
願速酌量回啓若如是區處則生稍可寄名于諸
執事之末而奉 上令也切有急見決角而圖善
處者願明以教我恐傳說失本指此續耳

與李子常書

感解體此後雖得良將其能為乎邊也雖無狀乃
提調也沈也雖名士乃郎廳也爭一哨官事提之
至此諫官以是而扶紀綱可笑也生草劄欲達情
而止備邊司差出大將時將以何人差之如是則
都監莫如速移訓鍊院願聞示教

與李子常書

聞即朝趨謝想體中平安也南行卜以何日邊上
事坊擬一面商議可乘暖晷許過否昨示承悉其
事於國必有害淺慮亦曾及焉茅彼中論議情

狀極其陰慘欲執此為禍胎者有之安得不為之
所乎比來不佞之被憎有甚西崖梧里誠可笑也
訓練都監無堂上又推諉不即回一啓及令未行
自備邊為密啓而處之如何

與李子常書

院相之論吾輩提起成服已過乃蒙時原正為之
教事勢異於祖宗朝而有不便於旅進者台欲
何以處之示教

與金昌遠書

年前憑人奉候未審一一關聽否即今春日和暖
想閑况靜攝萬安隔年瞻戀如何可言不佞憂病
叢裏尚欠一死餘無可道臘藥晚得略小只將六
種分上時危日甚此時閑居尋遂初是天與清福
也歎羨歎羨惟望節酒慎攝進學萬重

與金昌遠書

河生之歸憑寄候狀未委關聽否近來而風漸厲
遙想令履萬安隔年邈戀如何可言生憂病叢中
猶欠一死他無乏道比聞進酒過傷還似前日何

不念金軀而忘知舊之規憂如許耶奉叙無期臨
紙悵然惟冀順序自愛適因金醫告歸草此起居
統希令諒

與子如璣書

得見平安書喜慰吾亦無恙度日但因 上體未
寧間日問安歸省又違初計悶歎奈何明日乃初
度慶辰而吾未得馳歸汝兄輩又奔走於寒食祭
而傷風雨為祟今令汝二兄勉強歸侍而吾則身
在心往忽忽心如狂者正謂此也何日北來戀念

日深慎重靜養動讀此六字為寄不盡

與黃復初書

往歲鴻便得覩華翰恍然再會玉河邊空院以申
情話邇慰倍百恒懷失奴豈能代更僕乎况承惠
詩致意先寡君字字涕洟國人俱感左右高義
不啻始終奚但從遊如不佞者銘佩心肝而已乎
竊聞滄嶼楊老爺繡谷近臨東韓之民舉切欣幸
想老丈更尋入幕舊遊倭奴情形俱惡弊邦邊虞
弊邦之仰屏幪者今愈迫矣未知將何以見教耶

曩歲通州憑石樓表表茅施相公轉寄撫臺前
稟稿一通於左右而乞替送矣前書不及此語無
乃施公為殷生書郵耶見寄楊老爺盡真即招工
上綃永安生祠國人始遂宿願無任瞻感 寡君
令不佞另謝且致不腆土物統希收領暑令方嚴
千萬順序萬福臨楮神往不盡所言

與黃復初書

昔別玉河邊四易星歲世間憂病雙鬢盡皓夢寐
舊迹長耿耿矣劉 冊使相公之還也憑奉一書

未知關聽否頃因尹月汀承得忠音隔歲濶懷迎
慰何喻東國史書辱尊教累矣不佞兵火之餘艱
得二件俱被邢制府楊撫臺兩爺取去今其購得
者零星數卷尚不充秩早晚若刊全書何靳於雅
覽之下裁月汀長姪尚書公來致尊命四大家抄
集朝夕披玩千里猶對面感哉感哉刀扇數件鵝
毛表意唯希領悰別紙題扁願銘圖見寄臨楮神
往不勝依戀

不佞老父年今七十五歲卜筮于國東八十里

雲吉山下龍津之邊湖山勝趣田園野興無有
其具蓋為晚景教水謀也不佞奉 奏入燕會
以題扁請執事覓寄為僻壤光彩翌年吳石樓
從弟施相公以執事之命來致蕭侍郎及李中
書二筆蹟幸荷高義銘念遠惠造物所忌回祿
作災歎惜奈何願執事再圖於名能天下之第
一筆且廣覓題詠以為海東詭玩之寶則子孫
世被榮眷曷勝感焉

漢陰先生文稿卷之十一

漢陰先生文稿卷之十二

雜著

宗禊序

自宗子法壞而士大夫漸忘尊祖重本之義自宗會法廢而骨肉日踈情義不相接韋家之花樹會蘓氏之族譜亭歲聚宗族以盡其懽忻親睦之樂者在今誠可尚矣吾廣州李氏遁村以外遠不暇論遁村而全忠僖公於吾為六代祖而於吾大父行則乃高祖也高祖服猶未盡視後孫幾至如塗

人夫以一人之身分而為塗人不亦可悲也哉曩
在癸未甲申年間吾宗之在京城者約為脩禋未
幾罷墜亂後十年舊儀漸復乃於甲辰秋再舉是
會燕具則壺榼自持略倣溫公真率會喪葬俱有
助各出賻布擔夫有差選宗族四人為有司期以
春秋為會而相違不有疾病事故而不來會與允
違約者并有罰每時至咸集序行而坐隨量而壽
怡怡愉愉諧笑款洽悅如同在祖先之堂下而油
然興起其親愛之心焉則吾宗敦睦之義庶幾終

不替矣抑吾有所感者自遁村以來高標毅節清
名卓行代能涉禍不渝處險愈亨超然高蹈於危
亡之世致忠全仁於難處之機以至忠僖元夫人
毓德婉孌忠僖之為宰相也亦責以禮待本州吏
焉則積善以貽後者固已茂矣五桂之閭閥冠稱
一時豈無所自而然哉吾宗之相與會也必思先
世所以垂慶於後孫者為何事也臨死生利害則
必惕然曰喪義而不知命得無為吾先祖之罪人
耶當官爵貨財則必瞿然曰妄取而苟得得無為

吾先祖之罪人耶接人而敬不足也則必盡其誠
曰得無爲吾先祖之罪人耶諸父諸兄以是胥勉
而子孫奉而不失則此會之當勸戒者無大於是
不但爲燕遊之好而已吾深有望於諸父兄願父
兄之終教之僉曰諾遂書以識之

族譜序

昔余幼時從曾大父所見廣陵世譜印以活字只
錄子婿不及外孫私恨其甚略及長究古人之宗
法乃知此譜有深意蓋出東臯相公之指云壬辰

兵禍國籍盡灰而況於家譜乎宗老李士溫氏習
知吾東諸閥世系重纂內外譜甚備以要余校印
而未果一日聞韶亭使君士修氏寄示姓譜一本
全述東臯相公之舊書且倣蘇氏譜之詳略嚮之
未及校者一見愜意信乎知要而能世業矣間有
一二差漏處輒以所聞釐正仍序其顛末而還之
噫吾遁村先祖介忤逆眚逮禍遠避叅議先祖叩
馬諫獻廟於昭悼之變直聲偉節古固無此為
後孫者苟忝其家聲則能無愧於此譜乎而遁村

以後雖遠而一枝也本是同根不與之相睦者獨何心哉念祖先之情觀譜而油然而發則其亦有所感於此夫

晦齋先生論大極書跋

考亭先生謂濂溪之說精密伊川之論的確余觀晦齋李先生論大極書四篇周程兩先生之微旨可謂無盡矣昔周子手授太極圖於程子及程門設教只舉西銘而曾不及於此圖之意蓋慮學者於日用親切處知行未至而徑馳心於空妙之域

則其弊有不可勝言者考亭先生繼而立說辨論
無復餘蘊士子宜若無他歧之惑矣世之若忘機
子之言者熾起而不絕抑又何歟退溪李先生稱
先生精詣獨得之妙最在於此書退溪乃近時東
方考亭也誰敢有異議於此而且已無真積之功
則孰知菽粟之為正味哉先生之孫浚倩寫此書
為屏請余跋其後余非知言者安用贅論唯幸周
程正脉之有傳於後而又聽異說之易溺人也樂
成其願以告諸同志焉耳

正氣錄跋

卷之二

四

壬辰六月不佞扈駕西路見霽峯高公檄諸道
文不覺投匕筋而起旋聞本道義聲大振一入江
都收人心於既潰一向錦山逼寇勢於方張皆公
之先倡也不幸公之父子相繼死於賊一家三人
俱以節表立而建功洒恥則無復望矣於是垂涕
嗟惜歸諸時數而終不能自釋者久之賊退朝
廷愍其忠既許立祠賜祭嗚呼公其無憾矣乃今
有族兄吳景毅氏曾從事義陣以公之季子用學

氏之命致正氣錄一編曰蓋為一言仍得以諦觀
之公之一家義氣俱萃于此豈聯芳世稿徒以文
藻顯者比哉其實蹟偉節諸公之序跋盡之不佞
無容贅為抑有所深感焉睢陽城陷三日而張鎬
至使鎬遲至而巡遠留大名於唐室者實天意也
公之父子死歷六七年天兵再動以却此賊倘
公不死義于前而提兵協隨征後則視今所成孰
孰優哉然則天之餉公完名以激勸後世者意或
在茲而誰謂之不棄也吁其可歎也夫吁其可敬

也夫

題文章正宗卷者

萬曆癸巳夏入京城袁集文章正宗善本而得僅
秩焉丁酉秋為檳楊中丞在箕城召匠改粧置監
營翌年觀察韓清平公適還而與俱來書之以識
年月云

書伯夷傳

曾見馬史伯夷傳文勢若斷若續恍然不可測九
月十六夜秋月甚朗獨坐東窓下神觀清爽仍疑

心讀此十餘遍始知太史所謂爽然自失真名言
矣奇哉奇哉庚子秋抱甕散人識

題春秋卷首

萬曆癸巳夏入城有人掘得埋窖書籍見賣典行
索斗米而取來庚子夏改粧以遺主壁謂勝於贏
金勉誦而勿失可也玄默攝提格題

訓諸子帖

瀛溪周茂叔自少信古好義以名節自砥礪奉已
甚約俸祿悉以周宗族及分司而歸妻子饘粥或

不給而亦曠然不以爲意襟懷飄洒雅有高趣尤
樂佳山水遇適意處或倘佯終日黃山谷曰茂叔
人品甚高胷中洒落如光風霽月朱子曰所謂洒
落者只是形容所行清明高遠之意若有一毫私
吝心何處更有此等氣象耶

明道程先生姿稟既異充養有道寬而有制和而
不流視其色接物也如陽春之溫聽其言入人也
如時雨之潤其行已內主於敬而行之以恕教人
而人易從怒人而人不怨賢愚善惡咸得其心終

日怡悅未嘗見忿厲之容

伊川程先生學本於至誠其見於言動事為之間者
䟽通簡易不為矯異不為狷介寬猛合宜莊重
有體先大夫太中年老左右致養無違以家事自
任悉力營辦雖細事必親贍給內外親族八十餘
人其教人以居敬窮理為主蓋居敬有力則所窮
者愈精窮理浸明則其所居益有地二者互相發
也

橫渠張先生言有教勤有法晝有為宵有得瞬有

養息有存

橫渠自號
六有堂

常曰書多閱而好忘者只為

義理未精耳義理有疑即濯去舊見以來新意讀書須成誦精思多在夜中或靜坐得之不記則思不起矣教人以禮為先大要欲得正容謹節有所据守也

康節邵先生始學於百源堅苦刻厲冬不爐夏不扇夜不就席者數年其學純一而不雜平夷渾大不見圭角程明道曰堯夫如空中樓閣

武夷胡先生凡辭受取舍一介之微必虔於義恬

靜簡默寘於言動每晨昏子身定省必問其所業
曰士當志於聖人見怠慢不敬必頓蹙曰流光可
惜無為小人之歸其教人以立志為先忠信為本
以致知為窮理之漸以敬為持養之要

晦菴朱先生閑居未明而起深衣幅巾方履拜於
家廟退坐書室几案必正書籍器用必整奉親極
其孝撫下極其慈閨庭之間恩義之篤怡怡如也
祭祀事無鉅細必誠必敬小不如儀終日不樂祭
無違禮則油然而喜於親故雖踈遠必致其愛於

鄉閭雖微賤必致其恭自奉則衣取蔽體食取充
腹居止取足以障風雨人不能堪而處之裕如也
南軒張先生為人坦蕩明白表裏洞然詣理既精
而信道又篤其樂於聞過而勇於徙義則又奮厲
明決無毫髮滯吝意以至疾病垂死而口不絕吟
於天理人欲之間則平日所養可知也答鄭自明
書曰天理難窮資質難恃工於論人者察已常踈
濶狃於訐直者所發多弊病

蘇子容曰人生在勤勤則不匱戶樞不蠹流水不

寓此其理也

孫莘老教子孫先行實後文藝每曰士當以器識
爲先一號爲文人無足觀矣

偶閱宋時諸老先生言行錄拈出其中切要者
書送願兒輩常目在之以感發其良心噫父母
之情甬其知矣戊戌秋九月初四

戒子如璧文

昔漢明帝時帝姊館陶公主爲子求郎帝曰郎官
出宰百里上應列宿苟非其人民受其害百里之

任即古諸侯之任也孔子以有民入焉有社稷焉
為戒於一宰聖人之所慎重可想已漢之宣帝唐
之宣宗猶不輕守令或親擇之蓋君相之所重者
莫急於民事耳往昔先王朝舉遺逸為守令繼
而令該曹選才行過人者超叙六品職朝家之慎
名器又如此矣汝以不解學之童子蒙上恩遷
為主簿纘數年而除關西縣宰是汝無有該曹之
薦而與先王朝遺逸等也我既負國竊廩尚
叨匪援而汝又以我蔭為民宰非有施為政令之

勤於人者人皆指為何哉辱親負國唯在汝慶之以勤誠與否耳出門如見大賓使民如承大祭乃聖人勉以為仁之功者汝自啓程以後臨事每思此言則心不放而思過半矣至於上司號令恪謹趨施使賓來往節適得宜懇狀雖夜速決民瘼雖微必察凡事順民之情一毫無累於官民心旣得然後以之措糧餉備官器乃其處置中一事耳古人云日計不足則月計有餘爾能居官而存盡職之念晝夜儆戒不怠雖即為遞還所報効者多

矣若威儀之間飲食之節俱係居官大節小學不
云乎無威儀則無以為人上醫書亦謂飲食能促
壽臨下以莊節食順時尤不可忽也聽政之暇勤
讀經書本源自有培養之地竊然惕然必無待於
酒次數行書矣汝其念之我違老親日久又送汝
遠行此情有難向人道汝過涇江回望東道則想
必瞿然於今日席中之言矣不能盡

祭金庾信文

遣惟政入
日本時制一

天地有英烈之氣終古不亡父老傳神異之談在

世俱聳頃緣此邦之厄會乃致島寇之侵陵愧未
刷乎神羞屬方講於邇好眇茲一箇雲衲將涉萬
里滄溟臨事而懼好謀而成雖輕重疾徐之熟講
傷煩則支傳義則溢抑辭說操縱之或難念機事
之方殷恐達境之斯違願蒙靈祐冀濟遠行蛟窟
波恬約海若而受戒成樓旗卷見夷酋之獻忠過
此以還唯有此祝

祭尹叅議敬立文

落地同庚有同邂逅未覺大夢孰論大壽嗟我與

公雲路先後歷數行世夢屈伸肘承宣鳳池按節
湖右坦懷無闕榮落何有萬石躬行醇謹世守挹
薰伯仲又連佳婦廢期晚途相從白首翻然隔世
覆水何救貌先年揆曾歎來覲豈謂死別駒隙孔
驟哀哀雙老淚如懸雷大限有數麴蘖何咎世事
翻覆白衣蒼狗一竊無訛寧辨妍陋竟歸同轍熟
腸先疚哭則自盡莫憑兒手天真素嗜昔論飲耐
九原一酌倘歆誠侑嗚呼哀哉尚饗

祭松雲文

維萬曆三十八年歲次庚戌十二月壬申朔二十
一日壬辰廣陵姓某使僉知全緬信告于故松雲
大師之靈嗚呼兩儀假四大之形筭脩短而同盡
一心閱萬事之變道儒釋而何殊唯保其真乃名
于世惟松雲大師蟬聯胤胄孳耆風神燒木佛於
霜天不縛禪寂戲墨卷於雪竇之嚼詩腴誰知
惡病而讓夷有能出家而徇國千峯獨鳥界擲孤
錫而誓徒八霜戎馬場仗尺劍而嘗敵每憶風餐
露宿之夕慣聽懸河注海之談偉哉奮錙流之首而

揚其名至於關武夫之口而奪之氣重入賊窟則
驚悍酋於片言一步海航則伏殊域於玄教是驗
全稟之有養每令厚祿而無顏紫陽與磬山精神
會形骸之外東坡答佛印鈍根落箭鋒之機嗟萬
緣之已虛痛百身而難贖浮雲滅迹任變化於太
空孤月留躔隨光輝於清晝想死生之本無緬魂
魄其如在遙迤雙淚倩奠一杯尚饗

翰忠翼謨光國推忠奮義協策平難功臣大
匡輔國崇祿大夫議政府領議政鵝城府院

君李公墓誌銘并序

萬曆紀元之三十七年己酉八月辛未翰忠翼謨
光國推忠奮義協策平難功臣大匡輔國崇祿大
夫鵠城府院君李公卒于漢陽僦舍壽七十一前
是公病革上遣弼旨致問內醫診治賜輿頻降
浹六箇月而公不起上聞之震悼輟視朝三日
特下哀教飭有司供喪事按儀無闕隱卒之典
吁其至矣既殯將卜葬嗣子刑曹參議慶全泣語
其姊夫廣陵李德馨曰願以先人墓誌為托嗚呼

余忍銘諸且公自六七歲詞章筆翰名一國事蹟彰徹奚待誌而傳哉然幽堂所藏終不可闕焉知其行之詳莫如在門館者予之見屬宜矣嗚呼余忍銘諸叙曰公諱山海字汝受鵝溪即彌也其先出韓山之李為海東望族麗李有文孝公諱穀彌稼亭文靖公諱穡彌牧隱父子入元朝中制科擢省郎翰林東還為名大臣聲烈焜耀史乘牧隱之季子諱種善謚良景於公為六代祖歷文烈公諱季甸大司成諱塙世播華聞大司成生諱長潤奉

化縣監 贈吏曹判書縣監生諱穉水原判官

贈議政府左贊成判官生諱之蕃內資寺正號省

庵 贈議政府領議政配宜寧南氏 贈貞敬夫

人牛峯縣令諱脩之女三代之 贈以公貴也自

公曾王父以下畱身豐後重以省庵公蘊德不試

積善蓄靈室而大發數當于公公以嘉靖己亥閏

七月乙卯日午時生于漢陽皇華坊季父士亭公

聞呱呱聲喜曰興吾門其是兒乎生有異質未解

語已知書家有東海翁草書掛壁引姆抱者欣然

指畫五歲始受學六亭公教以太極圖一語便知
天地陰陽之理指圖論說嘗讀書忘食土亭公念
其傷也令輟讀待食公作詩曰腹飢猶悶况心飢
食遲猶悶况學遲家貧尚有治心藥須待雲臺月
出時土亭公益奇之六歲能作大字書握筆蹣跚
揮灑字形壯偉若龍拏虎攫之狀一時名公鉅人
無不招尋永筆蹟共指為神童如乙巳被罪諸賢
皆公所與遊者己酉出試場屋中第一考官割試
卷將去為寶戊午中司馬庚申 明廟謁聖試士

公居首 命直赴殿試辛酉中丙科分差承文院
壬戌拜弘文館正字翌日 明廟引見即 榻前
命題景福宮大額次陞副修撰甲子拜兵曹佐
郎還除修撰乙丑拜司諫院正言吏曹佐郎丁卯
選差遠接使從事 詔使翰林許公嗟賞公詩筆
還朝寄問致款歷吏曹正郎議政府舍人司憲府
執義尚衣院正副校理次陞直提學常無知製
教校書校理藝文應教 賜暇讀書庚午陞承政
院同副承旨辛未往省考病于清風郡奉來紋南

第色養五年乙亥丁憂歸葬保寧執禮極嚴哀毀
幾不救畢喪于廬丁丑秋還朝前後歷吏禮刑工
曹參議成均館大司成轉陞承政院都承旨每長
薇垣玉堂己卯特拜司憲府大司憲庚辰拜兵
曹參判喪長子病逾秋特除刑曹判書辛巳授
吏曹政極難慎干謁頓絕未幾丁外艱歸休寧終
制之日特拜議政府右贊成歷判吏禮兵三曹
無提學大提學判義禁府知經筵春秋館成均
館事嘗謂守令民之所托命者不擇守令是殘民

也其忍為哉每當一窠必求得其人得之則喜若
家事不得則晨夜思度或秉燭劄記待明而入宰
執不敢為子弟乞官親舊不敢有私冀而草野之
名一善者無不誠諮力舉畢置於百執事之列仕
路日清臺官有欲吹覓政疵者於臺席閱除目曰
政如是何者可摘論至今談銓部之善擇人咸曰
某公某公踈怨無異辭宣廟亟稱公言若不出
口體若不勝衣一團真氣充積於中望之常起敬
矣批公辭章曰聞卿為吏判門外雀羅可設予

將以報卿有一輪對官進啓一人久秉銓柄恐權
勢偏重 上怒曰汝不聞吏判為予社稷臣乎後
公臨政每擬其人 上謂公曰彼欲害卿而卿用
之卿量不可及矣戊子冬左右相俱曠首揆蘓齋
盧公獨薦公拜右議政同列咸喜謂其作相晚矣
宣廟念公過遜手教勉起倚毗甚隆是歲叅錄
光國勲常帶鶯城府院君己丑陞左議政轉陞領
議政 廷鞠鄭汝立逆獄時朝論携貳而廷變出
於搢紳其辟於一邊而執偏議者欲曰之擠異已

而下石焉章䟽紛起斥公為賊之親黨臺諫又以
金沔鄭介清等皆公在鈐席所褒啓學行而收
用者既被連逮公不可獨免至謂與右相鄭彥信
倡翻獄之說論鞫彥信益急公出郊外待命
宣廟痛折其狀而召公還鞫獄歷歲波濫公為之
慙痛每歸舍廢食發歎或掩戶垂涕至庚寅春傷
疾病劇猶諄諄語口曰殺一不辜猶不可今亡多
死非罪元氣斷矣國其若之何累以病辭宣廟
慰諭不許一日與按獄之宰會中書曰嶺南右道

有一種論指獄事為虛宜速 啓知公答謂我未
聞矣仍與之辨其議遂寢已而叅錄平難勳升公
志也壬辰四月倭寇逼京羣議欲移避闕上公料
此賊非本國之敵欲 上西狩告惡未敢明言

宣廟召大臣議冊 國本委以監撫時坤殿無嗣

上問誰可公對曰此非人臣所敢與但在 聖

念速降 宸斷 宣廟舉今 上彌曰何如公起

拜曰 宗社臣民之福也即命有司舉冊儀諸官
續拜賀而報賊已踰嶺矣翌曉 大駕西遷儲宮

亦隨護公奉三廟社主扈行當是時寇勢滔天
近崩潰而民心有所繫者以能定大計於倉卒之
力也至開城兩司劾公首倡去邪罷職到平壤又
請以重律命付處江原道平海郡乙未宣廟
諭侍臣曰非某予為懷慈微欽久矣其命放還
拜領敦寧府事成無大提學辭適己亥還拜領議
政庚子有一宰貪權橫恣望公同陞而公不與遂
被仇陷罷歸辛丑還拜府院君公配貞敬夫人趙
氏即議政府左叅贊貞簡公諱彥秀之女領中樞

院事文劉公諱未生之後公世守清貧不問有無
夫人能勤勞拮据事育以周甲辰夏喪夫人丙午
春喪子婦戊申秋孫翰林李久得危疾公益憂懣
積敗頓衰年三月病暴重子姓親戚至悲喜指
認口不能出言終至於斯嗚呼痛哉公天稟極高
神通夙成省庵公欲其崇深自持保全義器常戒
以謙謹公克受庭訓立朝四十九年未嘗以才智
先人言訥體違若無能者土亭公每稱公姿質之
美曰學以充之便是上智亞矣余及公門公初隲

省庵公之服見遺蹟而泣几杖而泣感痛孺慕不
懈終始益篤孝如此平居對人恂恂謹厚耳至其
深歆遠慮臨亂不喪而確乎其操守有資育不能
棄者亂後每言已丑冤枉宜先伸雪慰悅人心此
是大機恢復之策不外於得人心矣自幼脫略世
情憂傷之激橫暴之加只反諸吾心而無所怨尤
故其流落在外也或匹馬單童往來山水直與孤
雲獨鳥澹然於形骸之外有時對景感時寓興遣
懷輒形諸吟咏下筆凌厲飛動多自得者善作水

墨圖不以示人時遇古畫融神賞會者書十行俱
下亦未見嘗讀書也河西金先生謂公之詩文譬
如空中樓閣無非出自天分若着工讀書則便是
塵土語矣平居製述甚多盡喪於兵火收拾若干
稿行于世少負時望早致宰列未有一瓦之覆一
壠之植常僦屋以居荒涼艱楚客至或坐馬韉天
雨以席蔽漏緼袍麤食晏如也叅議問公喪境不
得節適請搆一舍則曰毋以全吾素性苟心安矣
居處之陋庸何病乎冬無一裘夏欠剩衣捐館之

後待贈賻而歛棺嗚呼公真所謂神仙中人矣夫
人配公無違德公之秉政不一有私囑為公瑕累
有侍婢受人苞苴而潛違焉夫人怫然曰吾其衰
矣此言何為至於我耶即火其書貧而好施與每
以公祿周隣里親戚之窮者祭祀必躬執饌具雖
隆寒盛暑至老不倦予弟請付諸女婦而休息則
曰吾不執饌猶不祭我自盡誠不為傷也享年六
十三而卒有四男四女男長慶伯中庚辰 謁聖
科擢知永文院副正字早死次慶全次慶伸成均


進士早死次慶愈殤夭女長適弘文館校理李尚
弘次適德馨死士辰亂旋門次適及笄柳惺先公
死次適韓山郡守安應亨慶全生子多天有五男
一女男長厚中癸卯文科吏曹佐郎次父魁癸卯
進士中乙巳文科藝文館檢閱文詞水滄山出不
幸早死次阜餘二男一女皆幼慶伸生一女適士
人李琢尚弘有二男三女男長志和翊衛司司禦
次志賤女長適進士任叔英次適牛峯縣令崔行
次適進士鄭時望德馨有三男一女男長如圭牙


山縣監次如壁前廣興倉主簿次如璜成均生員
女適士人鄭基崇柳惺有一男一女男廷憲女適
士人裴時中應亨有三男皆幼內外曾孫幾數十
幼不能悉錄夫人之喪也先兆地窄不得祔乃窆
於保寧歸頭里至是改卜禮山多枝洞遷夫人之
葬以後焉噫物之至寶人之異材其見於世者有
數焉百歲之後其必有感嘆於此者矣銘曰
秀氣在天鍾異于人清而能厚絕類離倫金華謫
仙臨淄神童疇若孩提神明已通詞非學到筆自

天得振揚家聲光于稼牧雲衢發朝順風鴻翼典
選服人毛玠簡潔作相鎮俗揚綰儉約適丁危亂
孰效長策衆怒偏激主恩愈渥載錫之環呼我
黃髮木訥之資氷蘖之節優游麟閣國有老成
嗣聖虛佇擬還台衡騎箕而逝百身難贖悲涼下
世散落遺墨睠彼新阡圖戀鬱蒼紅光燭空是公

幽堂

漢陰先生文稿卷之十二終







陰漢

五